


九經古義
二



九經古義

(二)

惠棟

九經古義卷第八

周禮古義下

夏官司燿說文曰燿取火於日官名舉火曰燿周禮曰司燿掌行火之政令从火萑聲或作烜从亘案司燿注讀如予若觀火之觀古喚反秋官司烜氏音燿讀如衛侯燬之燬鄭氏兩讀許君合而一之蓋本賈侍中之說高誘曰燿讀如權字漢郊祀志云通權火

羅氏云中春羅春鳥注云春鳥鵪而始出者若今南郡黃雀之屬郭義恭廣志云黃雀脂肥絕美江夏竟陵常給獻大官御覽

司右注司馬法曰弓矢圍殳矛守戈戟助凡五兵長以衛短短以救長案今司馬法曰右兵弓矢禦殳矛守戈戟助凡五兵五當長以衛短短以救長賈公彥曰弓矢圍者圍城時也愚謂圍常作圍古禦字作圍管子墨子書皆然鄭注作圍傳寫之誤今司馬法爲禦字从俗作也

方相氏掌蒙熊皮注云冒熊皮者以驚毆疫癘之鬼如今魃頭也應劭風俗通曰俗說亡人魂氣游揚故作魃頭以存之言頭魃魃然盛大也或爲魃頭爲觸城殊方語也御覽說文云今逐疫有類頭

大僕建路鼓于大寢之門外以待達窮者與遽令注云鄭司農云窮謂窮冤失職則來擊此鼓若今時上

變事擊鼓矣。遽傳也。若今時驛馬軍書當急聞者亦擊此鼓。玄謂遽令郵驛上下程品。棟案漢廐律有上變事及驚事告急。漢廐律魏改爲郵驛令。漢書梅福傳云。數因縣道上言變事。求假軺傳。詣行在所。條對急政。輒報罷。師古曰。變謂非常之事。黥布傳。賁赫上變事。藥傳詣長安。

職方氏樊毅脩華嶽碑云。周禮識方氏。歐陽永叔云。識字字畫分明非譌。闕疑當時周禮之學自如此。棟案周禮多古字。如櫟字作職。職字作識。識字作志。漢時已不能盡攷。況後世乎。

秋官司圜注。鄭司農云。圜謂園土也。園土謂獄城也。今獄城圜。春秋元命苞曰。爲獄圜者象斗運。宋均注云。作獄圜者象斗運也。初學記引。

冥氏注。鄭司農云。冥讀爲冥氏。春秋之冥。王伯厚云。漢泰山冥都傳春秋。故云冥氏。春秋案夏本紀。禹姁姓。後有冥氏。

雍氏注云。書雍或作夷。鄭司農云。今俗閒謂麥下爲夷下。言芟夷其麥。以其下種禾豆也。玄謂雍讀如鬢。小兒頭之鬢。說文云鬢鬢髮。大人曰髻。小兒曰鬢。盡及身毛曰鬢。案甘泉賦云。列新雉於林薄。服虔曰。新雉。香草也。雉夷聲相近。師古曰。新雉卽辛夷。春秋傳曰。五雉爲五工。正夷民者也。服虔曰。雉者夷也。夷。平也。孔穎達云。雉聲近夷。雉訓夷。夷爲平。雍讀如鬢者。說文云。古文雉从弟。篆文弟夷字相似。荀氏易。渙六四云。匪弟所思。今本作夷。

蠋氏注。鄭司農云。蠋讀爲蜮。蜮。蝦蟇也。月令曰。蜺蠋鳴。玄謂蠋。今御所食蛙也。字从虫。國聲。蜮乃短狐。與

案說文。蠹正字也。蠹或字也。許氏以爲短狐。

壺涿氏注云。故書涿爲獨。鄭司農云。獨讀爲濁。其源之濁。音與涿相近。書亦或爲濁。

大司寇凡庶民之獄訟。以邦成弊之。注云。邦成八成也。鄭司農云。邦成謂若今時決事比也。士師職云。掌士之八成。先鄭云。行事有八篇。若今之決事比。則八成謂邦汙。邦賊以下八事。賈疏以爲小宰之八成非也。東觀漢記。鮑昱傳云。時司徒例訟。久者至十數年。比例輕重。非其事類。錯難難知。昱奏定決事都目八卷。以齊同法令。息遏民訟。則知漢時決事。雖多至三百餘篇。其都目以八篇爲卒。故先鄭引以爲證。

小司寇云。凡命夫命婦。不躬坐獄訟。注云。不身坐者。必使其屬若子弟也。杜預僖廿八年傳注云。傳曰。王叔之宰。與伯與之大夫。坐獄於王庭。各不身親。蓋今長吏有罪。先驗吏卒之義。

以八辟麗邦法。注云。杜子春讀麗爲羅。玄謂麗附也。易曰。日月麗乎天。案麗者離也。離猶羅也。羅當作羅。洪範云。不罹于咎。史記引作離。尙書大傳引作麗。古字並通。

議親之辟。注。鄭司農曰。若今時宗室有罪。先請是也。漢書平帝紀。元始元年。令公列侯嗣子有罪。耐以上先請。續漢書百官志云。宗室若有犯法。當髡以上。先詣宗正。宗正以聞。乃報決。

議賢之辟。注。鄭司農云。若今時廉吏有罪。先請是也。宣帝黃龍元年詔曰。舉廉吏。誠欲得其真也。吏六百石位大夫。有罪先請。

議能之辟。說文曰：罷，遣有辜也。从网，能言有賢能而入网，而貫遣之。周禮曰：議能之辟。

議貴之辟。鄭司農云：若今時吏墨綬有罪，先請是也。後漢光武紀云：建武二年詔曰：吏不滿六百石，下至

墨綬長相，有罪先請。蔡邕橋公碑云：遷齊相，臨淄令，賂財賊多罪，正受鞠就刑，竟以不先請免官。

大賓客。前王而辟。鄭司農云：若今時執金吾，下至令尉，奉引矣。續漢書輿服志云：藥輿大駕，公卿奉引，大

僕御，大將軍參乘，藥輿法駕，八卿不在鹵簿中。河南尹執金吾，雒陽令奉引，奉車郎御侍中參乘。

士師，掌士之八成。一曰邦約。鄭司農云：約，讀如酌酒尊中之酌。國約者，斟酌盜取國家密事。若今時刺探

尙書事，詩正義云：約與酌古今字。周頌酌，左傳作約。公羊僖八年經云：鄭伯乞盟，傳云：蓋酌之也。注云：

酌，挹也。穀梁作約，是約爲挹取之義。沈約曰：寫書謂之刺。漢制不得刺尙書事是也。後漢書楊倫傳：尙

書奏倫探知密事，應劭風俗通云：司徒韓演伯南爲丹楊太守，坐從兄季朝爲南陽太守，刺探尙書演

法車徵，蓋漢律有此條，故鄭據以爲說。

訝士云：凡四方之有治於士者，造焉。注云：如今郡國亦時遣主者吏詣廷尉議者，棟案此請讞之法，常在

漢興律篇中。胡廣漢官篇解詁曰：廷尉當疑獄。北堂書引：漢書景帝紀：後元年詔曰：獄疑者讞有司，有

司所不能決，移廷尉。有令讞而後不當讞者，不爲失。杜周傳云：周爲廷尉，二千石繫者，新故相因，不減

百餘人。郡吏大府舉之，廷尉一歲至千餘章。大者連速證案數百，小者數十人，遠者數千里，近者數百

里。會獄注云：舉，皆也。言郡吏大府獄事皆歸廷尉也。陳湯傳：廷尉增壽議以爲臣下承用失其中，故移

獄廷尉。如淳曰：移獄廷尉。如今讞罪輕重，于定國傳定國爲廷尉，冬月治請讞，飲酒益精明，是漢時疑獄皆讞於廷尉。後漢襄楷上疏曰：頃數十歲以來，州郡玩習，又欲避請讞之煩，輒託疾病，多死牢獄，蓋自安順而後，請讞之法稍弛矣。

朝士凡士之治有期日，期內之治聽，期外不聽。注：鄭司農云：若今時徒論決，滿三月不得乞鞠。鄧展曰：漢律有故乞鞠，司馬貞案晉令云：獄結竟，呼囚鞠語罪狀，囚若稱枉欲乞鞠者，許之也。新律序云：二歲刑以上，除以家人乞鞠之制，省所煩獄也。二歲刑，謂耐以上，此魏世所改。

凡民同貨財者，令以國法行之。犯令者，刑罰之。注云：若今時加貴取息坐贓。漢書王子侯表云：旁光侯殷坐取息過律免。陵鄉侯訴坐貸穀息過律免。息有程限，過律則坐贓也。

司刑注：鄭司農云：漢孝文帝十三年，除肉刑。疏云：所赦者唯赦墨、劓與剕三者。其宮刑至隋乃赦也。尙書正義曰：漢除肉刑，除墨、劓、剕，耳。宮刑猶在大隋開皇之初，始除男子宮刑，婦人猶閉於宮。崔浩漢律序曰：文帝除肉刑，而宮不易。張斐律注云：以淫亂人族序，故不易也。棟案漢書鼂錯對策曰：除去陰刑，張晏曰：宮刑也。則漢文亦除宮刑矣。或後仍復之。賈孔之說，蓋本崔張。

司刺三赦注云：若今時律令，年未滿八歲，八十以上，非手殺人，他皆不坐。光武紀：建武三年詔曰：男子八十以上，十歲以下，及婦人從坐者，自非不道，詔所名捕，皆不得繫。鄭氏孝經注云：手殺人者，大辟，卽漢律所云不道也。

司厲其奴。男子入于罪隸。女子入于舂槩。注云。鄭司農云。今之爲奴婢。古之罪人也。玄謂奴。從坐而沒入。縣官者。男女同名。高誘曰。漢律坐父兄沒入爲奴。魏志毛玠傳。漢律罪人妻子沒爲奴婢。黥面。說文曰。男入罪曰奴。女入罪曰婢。初學記引。風俗通曰。古制本無奴婢。卽犯事者或原之。臧者被臧罪沒入爲官奴婢。獲者逃亡。獲得爲奴婢也。初學記引。

掌戮殺王之親者辜之。注云。辜之言枯也。謂磔之。荀子正論云。斬斷枯磔。注云。韓子曰。采金之禁得而輒辜磔。內儲說。辜卽枯也。又莊子有辜人。巫咸文云。暴虐不姑。姑與枯通。易大過之九二云。枯楊生荑。鄭讀枯爲姑。謂無姑山榆。是辜枯姑三字。古皆通也。壺涿氏注。杜子春云。樟讀爲枯。枯榆木名。與鄭注易同。

條狼氏掌執鞭以趨辟。注云。若今卒辟車之爲也。續漢書志云。大使車立橐。駕駟從伍百。璆弩十二人。辟車四人。

雍氏掌殺草。秋繩而芟之。注云。舍實曰繩。釋文曰。繩音孕。棟謂繩當爲臚字之誤也。管子五行篇。臚婦不銷。并注云。臚古孕字。大玄馴首曰。蠅其膏。人一月而膏。蠅與臚同。玉篇云。臚或孕字。汗簡云。古文尙書以臚爲孕。孕讀如繩。易漸九三。婦孕不育。荀爽本。孕作藥。藥繩聲近。故漸九五云。鴻漸于陸。婦三歲不孕。終莫之勝。

伊耆氏共其杙咸。注云。咸讀爲函。古咸與函通。毛詩巧言曰。潛始既函。韓詩作既減。減猶函也。司馬相如

封禪文云。上咸五。下登三。徐廣曰。咸一作函。漢書天文志。閒可械劍。蘇林曰。械音函。大行人云。諸侯之禮。立當前疾。毛居正六經正誤云。案車上無名疾者。說文。軌。車軾前也。从車凡聲。周禮曰。立當前軌音範。疑此近是。棟謹案禮說云。諸侯來朝。行享於廟。入大門下車。所立之位。上公立當車軾。侯伯立當前侯。子男立當車衡。案侯俗作疾。唐石經及宋本皆同。論語邢昺疏。鄉黨引周禮作前侯。云。侯伯立當前侯。胡下。又小雅蓼蕭章。孔疏引大行人。亦作前侯。蓋說文疾作疾。古文侯作侯。相似易亂。故前侯譌爲前疾。賈疏不詳。莫能辨正。俗本流傳。誤人久矣。又案說文引周禮作前軌。云。軌。車軾前也。詩小戎陰軌傳云。陰揜軌也。孔疏謂以板木橫側車前。陰映此軌。故謂之陰。考工記。軌前十尺。謂軾前曲中下垂柱地如人之頸。故謂之侯。侯猶胡也。故鄭注訓爲胡。以其在軌前。故曰前侯。然則陰也。侯也。胡也。皆前軌之名。揜軌曰陰曲。中曰侯。下垂曰胡。總名爲軌。當依說文定作軌。則前衡後軾。而軌在其閒。讀者一見而心目了然矣。

凡諸侯之王事。注云。孟子曰。諸侯有王。毛氏正誤曰。諸本皆云。孟子曰。諸侯有王。案孟子無此句。小行人注。引春秋傳曰。宋公不王。又曰。諸侯有王。王有巡守。此注是也。棟案藝文志。孟子十一篇。趙臺卿題辭云。著書七篇。又有外書四篇。性善辨文說。孝經爲正。其文不能弘深。不與內篇相似。外篇今亡。秦漢諸人引孟子者。今孟子皆無之。見王伯厚考證。鄭氏所引。安知不在外篇乎。毛說未是。劉昌詩云。新喻謝氏。多藏古書。有性善辯一帙。則知與文說孝經爲正。是謂四篇。然則孟子逸書。宋時猶有存者。唐時尙

未亡也。

小行人云。令諸侯春入貢。秋獻功。注云。秋獻功。若今計文書斷於九月。其舊法。盧植曰。計斷九月。因秦以十月爲正。故。劉昭注補。

司儀問君客。再拜對。君問大夫。客對。君勞客。客再拜稽首。注云。問君曰。君不恙乎。對曰。使臣之來。寡君命臣于庭。問大夫曰。二三子不恙乎。對曰。寡君命使臣于庭。二三子皆在。勞客曰。道路悠遠。客甚勞。勞介則曰。二三子甚勞。王伯厚曰。此亦見說苑。鄭氏所述。蓋古禮也。賈疏云。未知所出何文。或云。是孔子聘問之辭。棟案。襄廿七年。春秋傳曰。仲尼使。舉是禮也。以爲多文辭。服虔云。以其多文辭。故特舉而用之。後世謂之孔氏聘辭。此書漢時猶存。故鄭引之。或說非無據也。

行夫。居於其國。則掌行人之勞辱事。焉使則介之。注云。使謂大小行人也。故書曰。夷使。鄭司農云。夷使。使於四夷。玄謂夷發聲。案此。則夷使猶焉使也。晉語云。焉作爰田。焉作州兵。淮南子云。天子焉始乘舟。禮記云。故先王焉爲之立制。又云。焉使倍之。公羊傳云。比託始焉爾。又云。吾將焉致乎魯國。皆訓爲於。篆文焉於相似。故於亦作焉。焉使者。言於行人之使。則爲之介。劉氏音焉爲夷非也。或以焉屬上句。尤誤。考工記。作舟以行水。注云。故書舟作周。鄭司農云。周當爲舟。隸法周作用。又作月。舟作舟。或作舟。字本相類。謹案詩說云。大東舟人之子。鄭曰。舟當作周。案集古錄。庚父敦銘。有伯庶父。作王姑舟尊。敦或謂舟爲丹。又以爲井。董廣川以爲朱鮪集字。舟爲古文周字。汗簡云。朱育集字。顧璣王釋。亦引詩爲證。又史

伯碩父鼎銘亦有王母舟母四十二字。則舟卽爲周舟人之子。卽上文西人之子也。詩以舟爲周。考工以周爲舟。義並通。

輪人以其圍之防。捐其藪。鄭司農云。藪讀爲蜂藪之藪。謂轂空壺中也。案說文曰。櫟車轂中空也。从木。臬聲。讀若藪。然則藪本作櫟。讀爲藪也。

參分其輻之長而殺其一。注云。殺衰小之也。案殺猶衰也。見儀禮注。衰亦訓小。春秋傳云。其周德之衰乎。注云。衰小也。小猶殺也。

輶人大車之輶。輶注云。輶輶也。案輶本軒輶。字或作輶。見淮南子。或作輶。見儀禮注。旣夕云。志矢一乘。軒輶中。廬人注云。反覆猶軒輶也。軒輶猶軒輶。毛詩如輶如軒。傳云。輶輶也。張有復古編云。輶抵也。从車。執別作輶。非。

輶欲順典。注云。順典堅刃貌。鄭司農云。順讀爲懇。典讀爲殄。駟車之輶。率尺所一縛。懇典似謂此。棟案殄古文腆字。腆善也。尺許一束。一輶五束。故謂善也。毛詩籛條不殄。殄當爲腆。燕禮不腆之酒。注云。古文腆作殄。

終日馳騁。左不韃。注云。書韃或作券。玄謂券今倦字也。說文。券勞也。漢涼州刺史魏君碑云。施舍不券。是券與倦同。毛居正六經正誤云。券契字皆从刀。古者刻木爲之。故从刀。从力者。古倦字。考工記。輶人左不券是也。

冶氏案周有函冶氏爲齊大公置良劍見戰國策高誘注曰函姓冶官名也因以爲氏知鑄劍曉鐵理能相劍

鮑人云察其線欲其藏也注云故書線或作綜杜子春云綜當爲糸旁泉讀爲緬謂縫革之縷說文綫縷也古文作線輪與綜相似漢書功臣表云不絕如綫晉灼曰綫今線縷字以線爲今文未之考也

輝人爲皋陶穹者三之一鄭司農云穹讀爲志無空邪之空案弟子職云志無虛邪或古本虛作空故讀从之古穹與空同韓詩白駒云在彼穹谷文選注今詩穹作空薛君曰穹谷深谷也

玉人天子用全上公用龍侯用瓚伯用將注云玉多則重石多則輕公侯四玉一石伯子三玉二石說文曰全純玉也龍四玉一石也瓚三玉二石也將說文作瑀瑀玉石半相瑀棟案鄭氏之說本逸禮王度記引見白虎通許氏之說蓋本賈逵逵作周官解故許从之受學故說文多依其說

矢人凡相筈欲生而搏生謂材生也古謂初取之材爲生管子曰棟生橈韓非子曰涂濡而椽生皆謂初取之材也生而搏者燥則直是良材也

梓人爲飲器勺一升爵一升觚三升趙明誠曰大觀中雜之昌樂丹水岸得爵及觚二器以觚量之適容三爵與考工記合鄭氏據韓詩以爲觚當作觶七經小傳云一獻而三酬者獻以一升酬以三升也并而計之爲四升四升爲豆豆雖非飲器其計數則然此劉氏欲闢鄭氏改豆爲斗之說案文云爵一升觚三升一獻而三酬適合一斗之數故鄭云豆當爲斗如劉氏之說當云一獻而一酬乃合一豆之數

廬人灸諸牆。注云。灸猶柱也。釋文云。灸音救討也。音樹灸。說文引作久。云从後灸之。象人兩脛後有距也。案既夕云。木桁久之。注云。久當爲灸。士喪禮云。幕用疏久之。注云。久讀爲灸。謂之蓋塞其口。下注云。以柱兩牆之間。輓而內之。與儀禮久之同義。是久爲古文灸。灸爲今文也。灸从火久聲。古文省火。車人爲耒庇。長尺有一寸。鄭司農云。庇讀爲其頰有疵之疵。謂耒下岐。疏云。俗人謂頰額之上有疵病。故讀從之。棟謂其頰有疵。當在孟子。今書疵作泚。或先鄭所據本。與趙氏異耳。賈疏失之。弓人菑栗不弛。注云。栗讀爲裂繻之裂。毛詩東山曰。烝在栗薪。箋云。栗析也。古者聲栗裂同也。

九經古義卷第九

儀禮古義上

士冠禮旅占。注云古文旅作臚。案周禮司儀旅擯。先鄭曰旅讀爲旅於泰山之旅。後鄭云旅讀爲鴻臚之臚。陳之也。班固述贊曰大夫臚岱侯伯僭時。鄭德云臚岱季氏旅於泰山是也。顏監曰旅陳也。臚亦陳也。臚旅聲相近其義一耳。禹貢曰蔡蒙旅平。傳云祭山曰旅。韋昭音盧。盧籀文臚。周書謚法曰惟三月既生魄。周公旦太師望相嗣王發。既賦憲受臚于牧之野。臚卽旅也。

兄弟畢袵玄。注云袵同也。玄者玄衣玄裳也。古文袵爲均。棟案袵玄卽漢之袷。司馬彪輿服志云郊祀之服皆以袷。玄淮南子云尸祝袷袷。高誘曰袷純服。袷墨齋衣也。篆書袵與袷相似。古文作均。故左氏僖五年傳云均服振振。祭服上下皆玄。故謂之袷。玄戎事上下同服。故謂之均服。朋虔注左傳以均服爲黑服。月令曰。乘玄路。鄭注云。今月令曰。乘軫路。似當爲袵字之誤。是鄭意亦以袵爲玄。

將冠者采衣紒。注云紒結髮。古文紒爲結。廣雅曰紒結也。曹憲曰案說文卽籀文髻字也。古髻字皆作結。漢有假結。安箇結。大手結。周禮注結作紒。俗作髻。

主人酬賓束帛儷皮。注云儷皮兩鹿皮也。古文儷爲離。說文云麗旅行也。鹿之性見食急則必旅行。从鹿

麗聲。禮麗皮納聘。蓋鹿皮也。譙周古史考云。伏犧制嫁娶。以麗皮爲禮。古文作離者。易離彖云。離者麗也。禮月令云。宿離不貸。注云。離讀如儷偶之儷。兩鹿皮者。士昏禮注云。麗兩也。春秋傳云。鳥獸猶不失儷。是儷爲兩也。

再醢攝酒。注云。攝猶整也。整酒謂撓之。漢書匈奴傳云。單于以徑路刀金留犁撓酒。應劭曰。撓和也。鄭以攝酒有撓撓之事。故舉漢法以明之。

眉壽萬年。注云。古文眉作麋。大戴禮王言云。孔子愀然揚麋。盧辨注云。麋一作眉。荀卿子非相云。伊尹之狀面無須麋。楊倞云。麋與眉同。漢書皆以麋爲眉。歐陽公集古錄云。漢故北海相景君碑有云。不永樂壽。全家集錄三代古器銘有云。眉壽者。皆爲樂壽。蓋古字簡少通用。至漢猶然也。

永受胡福。注云。胡猶遐也。遠也。案詩隰桑云。心乎愛矣。遐不謂矣。禮記引此詩。遐作瑕。鄭注云。瑕之言胡也。遐。胡互訓。古音通。詩言胡考。周禮謚法。彌年壽考曰胡。

令月吉日。昭告爾字。爰字孔嘉。髦士攸宜。釋文云。字叶音滋。案虞書鳥獸。髦尾。史記作字微。郭忠恕汗簡云。古文尙書字作華。是字本有滋音。母容叶也。

記。毋追夏后氏之道也。注云。毋發聲也。追猶堆也。案追古堆字。枚乘七發曰。踰岸出追。李善曰。追亦堆字。今爲追。古字假借之也。說文云。巨。小阜也。徐鉉曰。今俗作堆。河東風陵堆。戴延之謂之風塏。以官爵人德之殺也。注云。殺猶衰也。繫上曰。古之聰明睿知神武而不殺者夫。虞翻注云。乾坤坎離。反復

不衰亦讀殺爲衰。淮南說山云：上有三衰，下有九殺。衰音近殺，故云殺猶衰也。棟案衰猶差也。荀卿子云：相地而衰政。注：衰，差也。九章算術謂差分爲衰分。說林云：大小之衰然。注云：衰，差也。春秋傳曰：遲速衰序。又云：其周德之衰乎。注云：衰，小也。小猶殺也。彼此互訓。文王世子云：親親之殺也。注云：殺，差也。是差與衰同。

士昏禮鄭目錄云：日入三商爲昏。賈疏云：商謂商量，是漏刻之名。故三光靈曜亦日入三刻爲昏。不盡爲明。孔氏詩正義云：尙書緯謂刻爲商。然則三光靈曜當作考靈曜。漢三神鑑銘曰：吾作明鏡，幽鍊三商。蓋本書緯。

皇舅某子。日知錄云：士昏禮皇舅某子，此或謚或字之稱。與聘禮皇考某子同。疏以爲若張子李子，婦人內夫家，豈有稱其舅爲張子李子者哉。案經云：婦執筭菜，祝帥婦以入，祝告稱婦之姓曰某氏來婦。敢奠嘉菜于皇舅某子。張稷若儀禮節解云：疏之意，或以婦新入門，稱姓以告，故亦以姓稱其舅。春秋傳云：男女辨姓，其此之謂。

記父醺子命之辭曰：荀子云：禮父南鄉而立，子北鄉而跪，醺而命之。

勛帥以敬先妣之嗣。荀子云：隆帥以敬先妣之嗣。案文隆訓盛義亦通。鄭注儀禮作勛者，當由避殤帝諱，改隆爲勛。如毛詩隆衝與臨衝，郡國志隆慮爲臨慮之類。荀子亦以隆慮爲臨慮。漢時經學皆受之師，時君之諱，既經改易，隨文釋之，非復故書之義。許叔重說文解字，每載上諱，不更箋釋，亦此例也。上文

贊啓會注云。今文啓爲開。既夕請啓期同。賈公彥云。高堂生所傳者。爲今文。案生爲漢初人。不應爲景帝諱。明經師相傳。遂爲故實。非盡高堂之舊也。

視諸衿鞶。注云。視乃正字。今文作示。俗誤行之。曲禮曰。幼子常視無誑。注云。視今之示字。詩鹿鳴曰。視民不佻。箋云。視古示字也。古文春秋傳。皆以視爲示。賈公彥曰。古人字少。眼目視瞻。與以物示人。皆作視字。棟案示本神祇字。古視瞻之視。皆作眡。周禮說文。皆同。啓母廟石闕銘云。昭眡後昆。以眡爲示。鄭所據古文儀禮。知視爲古示字。郭忠恕撰佩觿。以鄭氏此說。大與說文石經相乖。竊所未喻。

士相見禮。衆皆若是。注云。今文衆爲終。易雜卦云。大有衆也。荀爽本衆作終。史記五帝紀云。怙終賊刑。徐廣曰。終一作衆。春秋傳有魯大夫衆仲。明堂月令云。衆雨蚤降。釋草云。樂貫衆。皆讀爲終。仙人韓終。亦作韓衆。古衆字皆終音。

鄉飲酒禮。衆賓辯有脯醢。注云。今文辯皆作徧。古辯徧通用。史記曰。辯于羣神。今尙書作徧。春秋傳云。子言辨。舍爵于季氏之廟。杜氏云。辨徧也。荀子脩身篇云。扁善之度。注云。扁讀爲辨。韓詩外傳云。君子有辨善之度。古徧字皆作辯。司馬遷從孔安國問故。遷書多古文。春秋傳多古字古言。故皆以辯爲徧。鄉射禮云。司射乃比衆耦辯。注云。衆賓射者。降比之耦。乃徧。是鄭亦讀辯爲徧。

遵者降席東南面。注云。遵者。謂此鄉之人。仕至大夫者也。今文遵爲僎。或爲全。論語云。異乎三子者之僎。鄭注云。僎讀爲詮。詮之言善也。禮記冠儀曰。介僎象陰陽也。注云。古文禮僎皆作遵。又少儀僎爵注云。